

Huw Lewis AC / AM  
Y Gweinidog Tai, Adfywio a Threftadaeth  
Minister for Housing, Regeneration and Heritage



Llywodraeth Cymru  
Welsh Government

Ein cyf/Our ref: SF/HL/0369/12

Yr Athro Laura McAllister  
Cadeirydd  
Chwaraeon Cymru  
Gerddi Sophia  
Caerdydd  
CF11 9SW

2 Chwefror 2012

*Annwyl Laura*

#### LLYTHYR CYLCH GWAITH CHWARAEON CYMRU 2012-13

Rwy'n ysgrifennu atoch i amlinellu Cylch Gwaith 2012-13 sy'n pennu'r blaenoriaethau polisi allweddol ar gyfer y flwyddyn i ddod ac sy'n darparu dyraniad cyllid at ddibenion cyflawni'r blaenoriaethau hynny.

Bydd Chwaraeon Cymru yn parhau i chwarae rhan allweddol wrth gyflawni Rhaglen Lywodraethu Llywodraeth Cymru a'i nod o sicrhau bod diwylliant a chwaraeon yn ffynnu yng Nghymru a bod cyfleoedd i bobl Cymru fyw bywydau egnïol ac iach.

Fel y gwyddoch, mae'n nod personol gennyf waredu tlodi plant a chreu cyfleoedd bywyd ar gyfer pobl ifanc ar draws Cymru, yn enwedig yn ein cymunedau mwyaf difreintiedig. Gwn eich bod wrthi'n datblygu Strategaeth Tlodi Plant a fydd yn cyd-fynd â'ch Strategaeth Chwaraeon Cymunedol newydd. Bydd y ddwy strategaeth hyn yn creu cyfleoedd i chwaraeon gael effaith positif ar fywydau plant a phobl ifanc. Yn ystod fy nghyfnod byr fel y Gweinidog Tai, Adfywio a Chwaraeon, rwyf wedi gweld dros of fy hun sut y gall chwaraeon newid bywydau pobl ifanc drwy helpu i ddatblygu eu hyder a'u sgiliau arwain. Maent hefyd yn creu cyfleoedd iddynt fyw bywydau egnïol a chyflawni eu potensial. Rwy'n edrych ymlaen at weld sut y bydd y pwyslais cynyddol yn eich 'Gweledigaeth' ar gydraddoldeb, mynediad a chynnwys y gymuned yn cyfrannu at ein nodau cyffredinol a'n hymrwymiadau tuag at blant a phobl ifanc yng Nghymru.

Yn ogystal â'ch dyletswydd i amlinellu eich blaenoriaethau ar gyfer mynd i'r afael â thlodi plant, hoffwn eich annog i barhau i gydweithio â sefydliadau eraill y sector cyhoeddus a'r trydydd sector. Hoffwn weld Chwaraeon Cymru yn parhau i ymwneud â'n Rhaglen Cymunedau yn Gyntaf, gan sicrhau bod gwasanaethau'n cael eu darparu o fewn ardaloedd mwyaf difreintiedig Cymru. Hoffwn weld manylion ynghylch y gwaith a wneir o fewn

Bae Caerdydd • Cardiff Bay  
Caerdydd • Cardiff  
CF99 1NA

English Enquiry Line 0845 010 3300  
Llinell Ymholiadau Cymraeg 0845 010 4400  
Correspondence.huw.lewis@wales.gsi.gov.uk

*Wedi'i argraffu ar bapur wedi'i ailgylchu (100%)*

*Printed on 100% recycled paper*

ardaloedd Cymunedau yn Gyntaf, ac yn arbennig y gwaith â'r ardaloedd clwstwr newydd dan faner Cymunedau yn Gyntaf, yn cael eu cynnwys mewn adroddiadau chwarterol ac adroddiadau blynyddol. Trwy gryfhau'r cysylltiadau hyn hoffai Llywodraeth Cymru fanteisio ar y cyfle i gyfuno adnoddau wrth gyflawni gwasanaethau a fydd yn cyfrannu at leihau'r bylchau sy'n bodoli rhwng teuluoedd sy'n byw mewn aelwydydd incwm isel a'u cyfoedion mwy cefnog o ran iechyd, addysg a sgiliau, a chanlyniadau economaidd.

## **BLAENORIAETHAU STRATEGOL**

Cyfrifoldebau cyffredinol Chwaraeon Cymru yn 2012-13 fydd hwyluso a chefnogi, yn ariannol neu fel arall, weithgareddau sy'n cynyddu nifer y bobl sy'n cymryd rhan mewn chwaraeon a gweithgarwch corfforol ac sy'n cyflawni llwyddiannau ar lwyfan chwaraeon y byd. Wrth wneud hynny, dylai Chwaraeon Cymru ddilyn '*Rhaglen Lywodraethu*' Llywodraeth Cymru, '*Dringo'n Uwch*' a'r Cynllun Gweithredu Gweithgarwch Corfforol: "*Creu Cymru Egnïol*", a'i '*Weledigaeth*' a strategaethau ar gyfer Gwirfoddoli, Chwaraeon Elit a Chwaraeon Cymunedol.

Trwy ei gytundebau ariannu gyda'i bartneriaid cyflenwi allweddol - awdurdodau lleol, cyrff llywodraethu a'r sectorau preifat a gwirfoddol, dylai Chwaraeon Cymru flaenoriaethu ei gyllid ac annog dull strategol, cydgysylltiedig ac effeithlon o sicrhau'r gwerth gorau posibl am arian o'r buddsoddiad cyhoeddus mewn chwaraeon a gweithgarwch corfforol i bobl abl ac anabl, i sicrhau eu bod yn elwa ar yr hyn a wnawn.

## **BLAENORIAETHAU AR GYFER CHWARAEON CYMRU YN 2012-13**

### **Blaenoriaethau sy'n parhau:**

- Cynghori a chefnogi awdurdodau lleol wrth iddynt bennu a chyflawni cynlluniau y mae gweledigaeth yn perthyn iddynt a chyflawni'r canlyniadau y cytunwyd arnynt mewn **Cynlluniau Creu Cymru Egnïol** lleol, a hynny drwy **Gytundebau Partneriaeth ag Awdurdodau Lleol**.
- Hwyluso a chefnogi rhaglenni a gweithgareddau er mwyn **cynyddu nifer y bobl sy'n cymryd rhan** mewn chwaraeon a gweithgarwch corfforol ar draws pob grŵp oedran, gan gynnwys oedolion a grwpiau targed sy'n flaenoriaeth, drwy strategaeth fuddsoddi yn seiliedig ar dystiolaeth ac sy'n canolbwyntio ar fuddsoddiad.
- Gweithredu'r Strategaeth **Chwaraeon Elit** er mwyn cyflawni llwyddiannau i Gymru ar y lefelau uchaf mewn chwaraeon rhyngwladol. Rwy'n edrych ymlaen at weld canlyniadau dull gweithredu Chwaraeon Cymru sy'n targedu grwpiau penodol ac at weld y llwyddiant ar y lefel uchaf yn ein chwaraeon sy'n cael blaenoriaeth yn parhau.
- Gweithio'n arloesol ac annog arloesed ymysg partneriaid a rhanddeiliaid allweddol er mwyn cyflawni arbedion effeithlonrwydd a **chodi incwm a denu buddsoddiad** oddi wrth gyrff eraill cyhoeddus a chyrrff nad ydynt yn gyhoeddus.

- Cydweithio â Llywodraeth Cymru ac â rhanddeiliaid allweddol er mwyn cyflawni **rhwydwaith lleol, rhanbarthol a chenedlaethol o gyfleusterau** ar gyfer chwaraeon a hamdden egnïol sy'n effeithiol, yn effeithlon ac yn gynaliadwy.
- Buddsoddi mewn **gweithlu** medrus ac uchel eu parch sy'n helpu i gyflawni ein canlyniadau eang eu cwmpas ar gyfer chwaraeon a gweithgarwch corfforol.
- Cydweithio'n agos ag Uned Digwyddiadau Mawr Llywodraeth Cymru ac â UK Sport er mwyn annog cyrff llywodraethu Cymreig priodol i ddatblygu cynlluniau hirdymor ar gyfer cynnal **digwyddiadau mawr** sy'n cyd-fynd â'r Strategaeth Chwaraeon Elîf.
- Alinio a defnyddio eich adnoddau gyda'r lefel uchaf bosibl o effeithiolrwydd, effeithlonrwydd ac atebolrwydd, a sicrhau bod dangosyddion priodol a chadarn ar waith i **reoli perfformiad** eich partneriaid cyflenwi yn erbyn y canlyniadau y cytunwyd arnynt.
- Cynorthwyo a chefnogi'r Gangen Polisi Chwaraeon i ddarparu **cyngor a gwybodaeth arbenigol, gywir ac amserol** i Weinidogion Cymru ac uwch swyddogion.
- Cydweithio'n agos â Llywodraeth Cymru i **gynllunio cyfathrebu ar y cyd** er mwyn hyrwyddo'r blaenoriaethau strategol ar gyfer chwaraeon a gweithgarwch corfforol yng Nghymru.

#### **Blaenoriaethau newydd:**

- Datblygu a gweithredu **Strategaeth Gymunedol** a fydd yn canolbwyntio'n ddigonol ac yn briodol ar:
  - wella'r modd y cyflawnir llythrennedd corfforol a dysgu corfforol pobl ifanc;
  - atgyfnerthu'r cysylltiadau rhwng ysgolion a chymunedau;
  - ategu Strategaeth Tlodi Plant Chwaraeon Cymru drwy ddefnyddio chwaraeon a gweithgarwch corfforol i adfywio unigolion a chymunedau a sicrhau bod adnoddau'n cael eu dyrannu i'r rhai sydd fwyaf eu hangen;
- O fewn cyd-destun y Strategaeth Chwaraeon Elîf, ystyried sut y gallai rhaglenni, gweithgareddau a chynlluniau allgyrsiol a rhai yn ymwneud â'r cwricwlwm (fel Addysg Gorfforol, Mwy Galluog a Thalentog, Addysg Gorfforol a Chwaraeon mewn Ysgolion, Chwarae i Ddysgu, Campau'r Ddraig etc.) gael eu datblygu er mwyn datblygu'r **system(au) doniau** yng Nghymru.
- Cydweithio â swyddogion y Gangen Polisi Chwaraeon, Cymdeithas Llywodraeth Leol Cymru ac awdurdodau lleol er mwyn gweithredu **Compact Simpson**.
- Cyflawni ymrwymiad Llywodraeth Cymru i estyn y fenter **Nofio am Ddim** i gyn-filwyr a gweithwyr y lluoedd arfog sydd i ffwrdd o'u gwaith.
- Datblygu a mireinio eich **gwaith cynllunio corfforaethol a busnes** drwy ymgynghori â swyddogion y Gangen Polisi Chwaraeon.

- Cefnogi'r gwaith o sicrhau llwyddiant **Gemau Cymru** yn 2012, gan godi eu proffil a sicrhau eu bod yn cael yr effaith fwyaf bosibl ar berfformiad o fewn y chwaraeon sy'n rhan ohonynt.
- Cefnogi datblygiad **polisi sy'n seiliedig ar dystiolaeth** drwy gydweithio'n agos â swyddogion Llywodraeth Cymru er mwyn sicrhau bod y canlyniadau a'r dangosyddion perfformiad yn y Rhaglen Lywodraethu yn cael eu hadlewyrchu'n llwyr yn eich cynlluniau corfforaethol a'ch cynlluniau busnes; ac wrth ddatblygu eich rhaglen ymchwil a gwerthuso.

### **CYLLID CYMORTH GRANT**

Bydd Llywodraeth Cymru yn darparu cyllid Cymorth Grant gwerth £25.130m i Chwaraeon Cymru ar gyfer 2012-13. Caiff y gyllideb ei hamlinellu'n fanwl isod.

#### **Dyranriad y Gyllideb Cymorth Grant**

|                                     | <b>Cynlluniau<br/>2012-13<br/>(£000)</b> | <b>Cynlluniau<br/>Dangosol 2013-14<br/>(£000)</b> | <b>Cynlluniau<br/>Dangosol 2014-15<br/>(£000)</b> |
|-------------------------------------|--|---|---|
| <b>Refeniw</b>                      | <b>24,006</b>                            | <b>23,743</b>                                     | <b>23,789</b>                                     |
| Costau Rhedeg                       | 1,390                                    | 1,327   | 1,327   |
| Gwariant Cyfredol                   | 26,100                                   | 25,900  | 25,946  |
| Derbyniadau<br>Cyfredol             | (3,484)                                  | (3,484)   | (3,484)   |
| <b>Cyfalaf</b>                      | <b>345</b>                               | <b>345</b>  | <b>345</b>  |
| Gwariant Cyfalaf                    | 400                                      | 400   | 400   |
| Derbyniadau<br>Cyfalaf              | (55)                                     | (55)  | (55)  |
| <b>Heb fod yn arian<br/>parod</b>   | <b>779</b>                               | <b>779</b>  | <b>779</b>  |
| Dibrisiant                          | 779                                      | 779   | 779   |
| <b>CYFANSWM Y<br/>CYMORTH GRANT</b> | <b>25,130</b>                            | <b>24,867</b>                                     | <b>24,913</b>                                     |

Mae'r cymorth grant a nodwyd uchod yn cynrychioli'r ddarpariaeth uchaf bosibl ac mae'n seiliedig ar adnoddau. Y swm ar gyfer 2012-13 yw cyfanswm y cymorth grant a gymeradwywyd, a symiau dangosol a geir ar gyfer 2013-14 a 2014-15.

Mae'r cymorth grant yn parhau i fod yn amodol ar gydymffurfio â chynnwys y Ddogfen Fframwaith. Ni ddylai Costau Rhedeg Chwaraeon Cymru ar gyfer 2012-13 fynd y tu hwnt i £1.390m.

Oddi mewn i'r gyllideb Gwariant Presennol, caiff £3.5m ei ddarparu ar gyfer gweithredu'r cynllun Nofio am Ddim i Bobl 60+ a'r cynllun Nofio am Ddim estynedig ar gyfer plant a phobl ifanc.

## **CYNLLUNIO**

Rwy'n disgwyl gweld y blaenoriaethau polisi yn y llythyr hwn yn cael eu hadlewyrchu yn eich Cynllun Busnes ar gyfer 2012-13. Rwy'n eich annog i drafod drafft cynnar ohono â'ch isadran noddi cyn gynted â phosibl er mwyn sicrhau y caiff ei gymeradwyo'n derfynol ym mis Ebrill 2012. Dylai eich Cynllun Corfforaethol ar gyfer 2011-2016 gael ei ddiweddarau er mwyn adlewyrchu'r dyraniadau cyllideb ynghyd â'r blaenoriaethau polisi o fewn y llythyr hwn a dylech ei gyflwyno i'ch Cangen Noddi erbyn 30 Mehefin 2012.

## **MONITRO A RHEOLI PERFFORMIAD**

Caiff perfformiad Chwaraeon Cymru ei fesur ar sail cynnydd yn erbyn y canlyniadau a'r dangosyddion perfformiad canlynol yn y Rhaglen Lywodraethu:

### **Dangosyddion Canlyniadau**

- % y bobl sy'n cymryd rhan mewn chwaraeon neu hamdden egnïol
- % yr oedolion sy'n ymwneud â gwirfoddoli mewn chwaraeon (gan gynnwys hyfforddi)

### **Mesurau Perfformiad Allweddol**

- Nifer y sesiynau nofio am ddim a nifer y gweithgareddau dŵr strwythuredig am ddim y mae plant a phobl ifanc 16 oed neu iau, a'r rhai 60 oed a hŷn, wedi cymryd rhan ynddynt.
- Nifer yr oedolion sy'n ymwneud â hyfforddi a gwirfoddoli.

ac yn erbyn y canlyniadau a'r dangosyddion perfformiad cymeradwy yn eich cynlluniau corfforaethol a'ch cynlluniau busnes.

Ar y cyd â'r fframwaith mesur sydd gennych ar gyfer monitro perfformiad y partneriaid yr ydych yn eu hariannu, byddwn yn eich annog i gydweithio'n agos â swyddogion Llywodraeth Cymru wrth ddatblygu eich rhaglen ymchwil a'ch rhaglen werthuso er mwyn sicrhau eich bod yn datblygu polisi sy'n seiliedig ar dystiolaeth.

Bydd y trefniadau ar gyfer monitro cynnydd Chwaraeon Cymru yn unol â'r llythyr cylch gwaith a'ch Cynllun Busnes yn parhau ar ffurf cyfarfodydd chwarterol ar lefel swyddogion a'n cyfarfodydd chwe misol. Hoffwn i chi ddarparu adroddiad ar eich perfformiad yn 2011-12 cyn cyfarfod yr haf ynghyd ag adroddiad ar eich perfformiad hanner ffordd drwy 2012-13 cyn cyfarfod yr hydref.



**Huw Lewis AC / AM**

Y Gweinidog Tai, Adfywio a Threftadaeth  
Minister for Housing, Regeneration and Heritage

